



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ad Leonem X. Pontificem Maximvm**

**[Straßburg], 1519**

**VD16 L 3409**

Conclusio LXII.

**urn:nbn:de:hbz:466:1-34717**

DVLGENTIARVM AD LEONEM X. P. M.

cio excōmunicat, absoluit, ordinat, deordinat, statuit, abrogat, præcipit, prohibet, dispensat, mutat, interpretat. In ijs enim om̃ibus agitur uirtute istius uerbi, Quodcunq;. Si ergo in istis nõ est necessaria distributio meritorũ, sed sufficit potestas nuda clauũ quanto magis in remissione pœnarũ Canoniarum: cũ talis remissio sit nihil aliud q̃ absolutio a pœnis, imo si uspiam sit distributio meritorũ Christi, maxime fieri debet in absolute excōmunicati, ibi enim reconciliatur Ecclesię peccator, & rursus declaratur particeps bonorũ Christi & ecclesię. Nulla itaq; est ratio quare illud uerbũ, Quodcunq; solueris, in indulgentijs includat thesaurum Christi, & nõ etiam in omnibus alijs solutionibus, cum sit eadem autoritas, eadem uerba, eadem sententia in illis.

Quarto, Si soluere per clauẽ in uenijs dandis, importat aperitionem & effusionem thesauri ecclesię, ergo per oppositum, ligare importabit collectionem & inclusionẽ thesauri eiusdem. Sunt enim contrarię potestates, & contrariorum operum. Sed nusq; & nunq; est usus colligendi aut includendi hunc thesaurũ & tamen si solutio & effusio est, etiam inclusionem esse necesse est, cum utrunq; donatum sit ecclesię, nec frustra, aut uane donatum. Ergo sicut ligare, intelligitur sine collectione thesauri, debitorum facere, nec aliquid ei positue auferre, ita soluere cogit intelligi, liberum facere, sine expensione thesauri positue.

CONCLUSIO LXII.

Verus thesaurus Ecclesię, est sacro sanctum Euangeliũ, glorię & gratię dei

SATIS incognita res est Euangeliũ dei in multa parte ecclesię, ideo paulo latius de illo dicendũ, Nihil enim reliquit in mũdo Christus, præter solũ Euangeliũ. Vnde & nihil seruis suis uocatis tradidit, q̃ mnas, talenta, pecunias, denarios, ut ex ijs ipsis uocabulis thesaurorũ, ipsum uerũ thesaurũ esse ostēderet, Et Paulus dicit sese thesaurizare filijs suis, Et Christus thesaurũ absconditum in agro. Et hoc ipsum quod est absconditus, facit, ut sit pariter & neglectus. Est aut̃ euangeliũ secundũ Apostolum Ro. i. Sermo de filio dei incarnato, nobis sine meritis in salutẽ & pacem donato, Est uerbũ salutis, uerbum gratię, uerbũ solatiũ, uerbum gaudiũ, uox sponsi & sponsę, uerbum bonũ, uerbũ pacis,

K

## M. L. RESOLUTIONES DE VIRTUTE IN

Sicut ait Esa. xl. Quā iucūdi pedes Euangelizantiū, euangelizantiū pacem, prædicantiū bona. Lex uero est uerbum iræ, uerbum tristitiæ, uerbum doloris, uox iudicis & rei, uerbum inquietudinis, uerbum maledicti. Nam secundū Apostolū, Lex est uirtus peccati, & lex iram operat. Est lex mortis. ex lege em̄ nihil habemus, nisi malā cōscientiam, inquietū cor, pavidū pectus, a facie peccatorū nostrorum, quæ lex ostendit, nec tollit, nec nos tollere possumus. Sic itaq; captis ac tristibus, omninoq; desperatis, Venit lux Euangelij & dicit, Nolite timere, Consolamini consolamini popule meus, Consolamini pusillanimes, ecce deus noster ecce agnus dei, ecce qui tollit peccata mundi, ecce qui solus implet legē pro uobis, qui factus est a deo uobis iustitia, sanctificatio, sapientia, redemptio, omnibus qui credunt in eum. Hoc suauissimū nuncium, cum audierit conscientia peccatrix, reuiuiscit & tota exultat in tripudio, plenaq; fiducia, iam nec mortē, nec amica mortis pœnarū genera formidat, neq; infernum. ideo, qui pœnas adhuc timent, nondum audiuerunt Christum, nec uocem euangelij, sed uocem potius Mosis. Ex hoc itaq; euangelio nascitur uera gloria dei, dum docemur, non nostris operibus, sed gratia miserentis dei in Christo, impletam legem & impleri, non operando, sed credendo, non deo aliquid offerendo sed ex Christo omnia accipiendo & participando, de cuius plenitudine participamus omnes, & accipimus, de quo alias latius.

### CONCLUSIO LXIII.

Hic autem est merito odiosissimus, quia ex primis facit nouissimos.

EVANGELIUM em̄ destruit ea, quæ sunt, cōfundit fortia, confundit sapientia, & redigit eos in nihilū, in infirmitatem in stultitiam, quia docet humilitatē & crucem. Sic Psalm. ix. Increpasti gentes & perijt impius, nomen eorū delesti. Verum hanc regulam crucis horrent omes, quibus placent terrena & sua, dicentes, durus est hic sermo, ideo non est mirum, si sit odiosissimus sermo Christi, ihs, qui diligunt aliquid esse, sapientiam, potentiam, coram se & hominibus, & primi sibi uidentur.

### CONCLUSIO LXIII.

Thesaurus autem indulgentiarum, merito est gratissimus.